

«Ոչ սպանդանոցային մորթի արդյունքում ստացված կենդանական ծագման հումքի և մթերքի առգրավման և ոչնչացման կարգը սահմանելու մասին» ՀՀ կառավարության որոշման նախագիծ

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

_____ 2023 թվականի N _____-Ն

ՈՉ ՍՊԱՆԴԱՆՈՑԱՅԻՆ ՄՈՐԹԻ ԱՐԴՅՈՒՆՔՈՒՄ ՍՏԱՑՎԱԾ ԿԵՆԴԱՆԱԿԱՆ ԾԱԳՄԱՆ ՀՈՒՄՔԻ ԵՎ ՄԹԵՐՔԻ ԱՌԳՐԱՎՄԱՆ ԵՎ ՈՉՆՉԱՑՄԱՆ ԿԱՐԳԸ ՍԱՀՄԱՆԵԼՈՒ ՄԱՍԻՆ

Հիմք ընդունելով Սննդամթերքի անվտանգության պետական վերահսկողության մասին օրենքի 21-րդ հոդվածի 1-ին մասի 14.1-րդ կետը՝ Հայաստանի Հանրապետության կառավարությունը **որոշում է.**

1. Սահմանել Ոչ սպանդանոցային մորթի արդյունքում ստացված կենդանական ծագման հումքի և մթերքի առգրավման և ոչնչացման կարգը՝ համաձայն հավելվածի:

2. Սույն որոշումն ուժի մեջ է մտնում 2023 թվականի դեկտեմբերի 6-ին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

Հավելված

ՀՀ կառավարության 2023 թվականի

_____ -ի N ____ -Ն որոշման

ԿԱՐԳ

**ՈՉ ՍՊԱՆԴԱՆՈՑԱՅԻՆ ՄՈՐԹԻ ԱՐԴՅՈՒՆԵՈՒՄ ՍՏԱՑՎԱԾ ԿԵՆԴՐԱՆԱԿԱՆ
ԾԱԳՄԱՆ ՀՈՒՄԲԻ ԵՎ ՄԹԵՐՔԻ ԱՌԳՐԱՎՄԱՆ ԵՎ ՈՉՆՉԱՑՄԱՆ**

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կարգավորվում են ոչ սպանդանոցային մորթի արդյունքում ստացված կենդանական ծագման հումքի և մթերքի առգրավման և ոչնչացման հետ կապված հարաբերությունները:
2. Սույն կարգը տարածվում է ոչ սպանդանոցային մորթի արդյունքում ստացված կենդանական ծագման հումքի և մթերքի բոլոր փուլերում գործառնություն իրականացնող ցանկացած ֆիզիկական կամ իրավաբանական անձի (այսուհետ՝ տնտեսավարող սուբյեկտ), ինչպես նաև ոչնչացում իրականացնող կազմակերպությունների նկատմամբ:
3. Պետական վերահսկողության ընթացքում ոչ սպանդանոցային մորթի հետևանքով ստացված կենդանական ծագման հումք և մթերք (այսուհետ՝ վտանգավոր արտադրանք) հայտնաբերելու դեպքում ամբողջ խմբաքանակի իրացումը ենթակա է կասեցման, առգրավման և ոչնչացման:
4. Եթե տնտեսավարող սուբյեկտը չի կարողանում հավաստի, որ կենդանական ծագման հումքը և մթերքը ունի սպանդանոցային ծագում՝ առանց փորձաքննության ենթարկելու ենթակա է ոչնչացման՝ այրման եղանակով մասնագիտական կազմակերպության կողմից:
5. Հայաստանի Հանրապետության սննդամթերքի անվտանգության տեսչական մարմնի պետական վերահսկողություն իրականացնող պաշտոնատար անձը վտանգավոր արտադրանք հայտնաբերելու դեպքում կասեցնում է ամբողջ խմբաքանակի իրացումը՝ միաժամանակ ընդունում է առգրավման մասին որոշում՝ հետագա ոչնչացման նպատակով: Որոշման ձևը հաստատվում է սննդամթերքի անվտանգության տեսչական մարմնի կողմից:
6. Պետական վերահսկողություն իրականացնող պաշտոնատար անձը

վտանգավոր արտադրանքի խմբաքանակը առգրավելուց հետո կշռում, փաթեթավորում է պոլիէթիլենային թաղանթով, կապարակնքում և առանձին հաշվառում է:

7. Պետական վերահսկողությունն իրականացնող պաշտոնատար անձը կազմում է հանձնման-ընդունման ակտ՝ երկու օրինակից: Ակտի ձևը հաստատվում է սննդամթերքի անվտանգության տեսչական մարմնի կողմից:

8. Պետական վերահսկողությունն իրականացնող պաշտոնատար անձը տրանսպորտային ծառայություններ մատուցող ընկերության հետ՝ կնքված պայմանագրի և սույն կարգի 6-րդ կետով սահմանված դրույթի համաձայն, վտանգավոր արտադրանքի առգրաված խմբաքանակը և հանձնման-ընդունման ակտի մեկ օրինակը տրամադրում է տրանսպորտային ընկերության աշխատակցին/վարորդին:

9. Տրանսպորտային ընկերության աշխատակցին աշխատակցին/վարորդն ապահովում է ամբողջ խմբաքանակի տեղափոխումը՝ այրման համար նախատեսված հատուկ մասնագիտացված կազմակերպություն (կազմակերպություն):

10. Տեղափոխումից հետո հանձնման-ընդունման ակտը և վտանգավոր արտադրանքի ամբողջ խմբաքանակը տրանսպորտային ընկերության աշխատակցին/ վարորդը հանձնում է պետական վերահսկողությունն իրականացնող պաշտոնատար անձին:

11. Վտանգավոր արտադրանքի ամբողջ խմբաքանակի ոչնչացումն՝ այրման եղանակով իրականացվում է պետական վերահսկողությունն իրականացնող պաշտոնատար անձի ներկայությամբ:

12. Վտանգավոր արտադրանքի տեղափոխման, ոչնչացման հետ կապված ծախսերը իրականացվում է տնտեսավարող սուբյեկտի միջոցների հաշվին:

13. Տնտեսավարող սուբյեկտը սույն կարգի 12-րդ կետով սահմանված պահանջների կատարման համար նախատեսված վճարման ենթակա գումարը պարտավոր է հինգ աշխատանքային օրվա ընթացքում փոխանցել սննդամթերքի անվտանգության տեսչական մարմնի հաշվեհամարին:

14. Սույն կարգի 13-րդ կետով սահմանված դրույթը չկատարելու դեպքում՝ հետագա գանձումը իրականացվում է Հայաստանի Հանրապետության օրենսդրության սահմանված կարգով: